

Segun Arkeologo, Harold Kelly

Mester protege sitionan arkeologico importante pa “puzel” completo di civilisacion Caquetio na Aruba

ORANJESTAD - Museo Arqueologico di Aruba ta cumpliendo 30 aña di existencia, y enconexion cu e hubileo importante aki un di nan proyectonan specifico ta e declaracion di e prome sitionan arkeologico como monumentonan nacional protegi pa lei entrante otro aña.

E Arkeologo Harold Kelly di e Departamento di Investigacion di e museo encuestiona bisa cu Aruba ta gosa di hopi diferente area cu un balor arkeologico importante. Na momento di introduci un lei di proteccion di e sitionan arkeologi-



Arkeologo, Harold Kelly
co mester tene cuenta cu diferente aspectonan di e

sitionan di actividad cu ta hopi importante pa e puzel completo cu ta significa e civilisacion di e Caquetionan na Aruba.

Un di e area pa tene cuenta cune ta na Tanki Flip unda a ser establece un di e tres aldeanan grandi di e comunidad indjan di Caquetio. Tambe na Santa Cruz y Savaneta tin sitio di un balor arkeologico importante cu mester wordo protegi como monumento nacional.

Pero -segun Arkeologo Kelly- tin sitio chikito di actividadnan special manera

na Arashi, unda e indjan Caquetio tabata realiza actividadnan special; y cu ta duna un indicacion hopi grandi kico nan a haci y con nan a haci.

El a señala cu na Tanki Flip tin un sitio arkeologico importante; y eventualmente e sitio aki lo por bira e prome monumento arkeologico protegi. Den e area aki nan a realiza un trabou di investigacion y documentacion amplio.

Tambe mester considera e sitionan caminda tin pinturanan ariba baranca di cual nan tin inventarisa 22 sitio. El a bisa cu tres sitio

cu e caracteristicanan aki ta situa na Parke Arikok y un na Ayo, y aunke nan ta relativamente protegi, Monumento Arqueologico di Aruba kier haci nan monumento nacional. Intencion ta cu e pinturanan indjan aki cu ta algo unico den nos region lo ser protegi dor di e lei di proteccion di sitionan arkeologico.

El a splica cu e pinturanan aki ta e unico luganan cu ta intacto manera nan tabata ta antes. Tin otro sitionan arkeologico bou tera caminda nos arkeologonan mester coba nan pa obtene informacion. □

Minister Michelle Winklaar a enfatisa riba importancia pa UNESCO y nos tur reconece dande

Como parti di nos herencia cultural



PARADERA- Na un forma oficial a inicia e anochi di e di 39 Festival di Dande, cu nos dushi Himno di Aruba; Aruba Dushi Tera, toca pa Agrupacion La Bomba y canta pa Sulaika Geerman. Minister di Asuntonan Economico, Asuntonan Social y Cultural tabatin e gran honor di hiba e prome discurso p'e anochi aki.

“Interes pa tin Dande ta grandi, ya cu e ta un parti musical importante cu ta representa nos cultura. Mi ta contento pa mira varios hoben tambe involvi den e festival aki, demostrando asina e gran balor di Dande”, e mandatario a expresa. Dande ta un di nos herencianan cultural di nos historia, desde hopi aña atras caba ta resona

Dande ta un musica cu a desaroya un estilo tradicional y tipico, unda cu ya Aruba ta celebrando su di 39 Festival di Dande” Minister Winklaar a bisa. E aña aki a homenagea 5 baluarte den e musica di tipico aki, esta: Raymundo “Rey” Maduro, Andres Larez, Dominico “Cochi” Willems, Felix “Shontan” Croes y Ronaldo Marin. Minister Winklaar no por a keda sin



den tur skina di Aruba, specialmente ora cu canta e refran unda cu mester contesta: “Ay Nobe”. “Esaki ta un tradicion cu a pasa di generacion pa generacion, drentando te den e epoca actual.

yama padilanti, e pilar tras di e 39 Festival di Dande, Sr. Harry Croes y a gradicie pa tur loke e ta haciendo durante 39 aña caba, “e hecho cu Sr. Harry Croes por carga esaki, cu e pasion y amor pa nos cultura,



ta indica e tremendo trabou y dedicacion cu bo tin pa nos musica tipico”. “Ta trahando duro pa entrega tur e documentonan necesario na UNESCO pa reconece Dande como parti di nos herencia cultural, ya cu una bes cu esaki ta reconoci nos ta sigur cu e lo sigui pa hopi aña mas,”

segun e dignatario. Na final Minister Winklaar a gradici un y tur presente y deseando nan un bon comienso di aña, yena di optimismo, bon intencion y cu yen di proposito positivo. E anochi sigur lo ta uno exitoso, ya cu tin 16 agrupacionnan, 40 Dande y 20 propio composicion. □